



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XX. Eliacimus Helciae filius,

urn:nbn:de:hbz:466:1-16260

de caelo non semel testatus est, cum diceret: *Hic est Filius meus dilectus in quo mihi complacuit*; ipse se à Deo Patre suo dilectum esse Jesus saepe declaravit. הוּיָרָא praeterea, hoc est, עֲמֻלְמוֹתָאִים , seu Concionator cognominatus est Salomon; quod quam Christo Jesu, conveniat cognosci potest ex Parallelismi tricesimo quinto capite. Salomon aedificavit Templum Deo; Jesus Ecclesiam. Davidis filius uterque, uterque rex. Regina illa Saba, quae Salomonis fama excita venit ad eum, ejusque sapientiam & opes mirata est, Ecclesiam refert, quae Ethnicis fere conflata, Jesu doctrina, virtutibus, & gratia capta ei sese applicuit.

XIX. In Jona sui propositam esse figuram palam Jesus declaravit. *Sicut enim*, inquit, fuit *Jonas in ventre ceti tribus diebus & tribus noctibus*; sic erit *Filius hominis in corde terra tribus diebus & tribus noctibus*. Habes hic itaque eximum Jesu ad vitam redeuntis simulacrum. Jonas saeviente tempestate, & nautis de vita sollicitis, dormit securus; quod & Christo contigit. Jonas pro nautarum salute mittitur in mare, silent fluctus, & tempestas sedatur: in Jesu *complacuit omnem plenitudinem habitare*, & per eum *reconciliare omnia in ipsum*; pacificans per sanguinem crucis ejus, *sive qua in terris*, sive *qua in caelis sunt*. Nautae Jonam in mare missuri Deum orant ne sibi crimini derur viri innocentis interitus: *Quasumus, Domine, ne pereamus in anima viri istius*, & ne des super nos sanguinem innocentem: Pilatus Jesum letho daturus, accipit aqua, lavit manus coram populo, dicens, *Innocens ego sum à sanguine Justis hujus: vos videritis*. Sic de se ad Deum Jonas in ventre ceti: *Abjectus sum à conspectu oculorum tuorum*: sic de se ad Deum Jesus in cruce: *Deus meus, Deus meus, ut quid dereliquisti me?* Jonas maris periculo functus Ninivitas ad obsequium Dei compellit: gentes post vitam à Jesu receptam, ad Dei cultum vocantur. Jonas concionator, perinde ut Jesus. Ad poenitentiam Ninivitas hortatur Jonas: *Poenitentiam agite*, inquit Jesus, *propinquavit enim regnum caelorum*.

XX. Apparet itidem in Eliacimo Helciae filio Jesu Christi imago: nam quae de Eliacimo dixit Isaias, huic datum iri clavem David, idem Christo accommodat Angelus Ecclesiae Philadelpheae, apud Johannem in Apocalypsi: *Hac dicit Sanctus & Vexus, qui habet clavem David; qui aperit, & nemo claudit; claudit, & nemo aperit*; quae ex Isaias עֵשֶׂה לְעִיר sumta sunt. Scribit praeterea Isaias Sobnam regiae Ezechiae praefectum, cum officio suo nequiter abuteretur, magistratu abdicatum fuisse, suffecto Eliacimo, viro frugi & pio: haec figura est veteris Legis, priscique Pontificatus Aaronici, quo impie abusi sunt nefarii Sacerdotes, eoque abrogato, nova lex, & sacerdotium secundum ordinem Melchisedec, priore melius, per Christum introducitur. Sic Isaias ad Sobnam: *Ecce Dominus asportari te faciet, sicut asportatur gallus galinacens, & quasi amicum sic sublevabit te*. Coronans coronabit te tribulatione; quasi mittet te in terram latam & spatiosam: ibi morieris, & ibi erit currus gloriae tuae ignominia domus Domini tui. Scilicet hoc est quod pleno ore decantarunt Prophetæ, sedibus suis depulsum iri Israeliticam gentem, & in varias orbis partes dissipatum. Nos eorum representamus testimonia in Parallelismo, ubi agimus de abrogatione Mosaicae Legis, de novae legis sanctione, & de dispersione Judaeorum. Unum hic dabimus pro multis, depromptum ex Daniele: *Et Civitatem, & sanctuarium dissipabit populus cum duce venenturo: & finis ejus vastitas, & post finem belli statuta desolatio & in dimidio hebdomadis deficiet hostia & sacrificium*. Subjicit Isaias: *Et expellam te de statione tua, & de ministerio tuo deponam te: & erit in die illa, vocabo servum meum Eliacim filium Helciae, & induam illum tunica tua, & cingulo tuo confortabo eum, & potestatem tuam dabo in manu ejus: & erit quasi pater habitantibus Jerusalem, & domus Juda*. Similibus minis Israeliticis proceres incessebat Ezechiel, cum diceret: *Hac dicit Dominus Deus, Ecce ego ipse super pastores, requiram gregem meum de manu eorum, & cessare faciam eos, ut ultra non pascant amplius pastores semetipsos, & liberabo gregem meum de ore eorum, & non erit ultra eis in escam*. At de Christo Jesu sic Paulus in Epistola ad Ebraeos: *Nunc autem melius sortitus est ministerium, quanto & melioris Testamenti mediator est, quod in melioribus reprobationibus sancitum est. Nam si illud prius culpa vacasset, non utique secundi locus inquireretur*. Servum suum Deus Eliacimum appellat, quemadmodum & Christum aliis apud Isaiam locis: *Ecce servus meus, suscipiam eum*. Deinde: *Vos testes mei, dicit Dominus, & servus meus quem elegi*. Sic Jesus ipse de se: *Filius hominis non venit ministrari, sed ministrare*. Rursum: *Ego autem in medio vestrum sum, sicut qui ministrat*. Non Dei solum servus, sed & hominum. Praedicat deinde Isaias futurum Eliacimum Hierosolymitarum & Judae domus patrem: paternos suos affectus erga Hierosolymitas his verbis testabatur Iesus Dominus: *Jerusalem, Jerusalem, quae occidis Prophetas, & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluiti? Filios etiam Discipulos suos appellat: Filioli,*

adhibe medicum vobiscum sum. Sed & Pater futuri seculi dicitur ab Isaia. Clavis ista domus David, Eliacimi humero imponenda, symbolum erat muneris ipsi traditi, ejus nimirum quod ante gesserat Sobna. Fuerat autem ille הכן, ut hoc ipso loco docet Isaïas. הכן aram tribunalum, & regie gazæ custodem interpretor, cujus officii insigne erat clavis. Præclare id in Christum Jesum convenit, qui habet claves mortis & inferni, qui Petro tradidit claves cœli, thesaurorum æternorum penus, quæ sur non appropriat, neque vinca corrumpit, quod & ipsum simile est thesauro in agro abscondito. Quin etiam Colossenses docet Apostolus, in Christo Jesu absconditos esse thesauros omnes sapientiæ & scientiæ. Addit Isaïas: *Et figam illum paxillum in loco fideli: quibus regni Christi diuturnitas ac firmitas significatur.* Hanc etiam prædixit Pfaltes: *In æternum servabo illi misericordiam meam, & testamentum meum fidele ipsi: & ponam in seculum seculi semen ejus, & thronum ejus sicut dies cœli.* Inde Angelus ad Mariam de Jesu: *Et dabit illi Dominus Deus sedem David patris ejus, & regnabit in domo Jacob in æternum, & regni ejus non erit finis.* Pergit Isaïas: *Et erit in solium glorie domus patris ejus, & suspendent super eum omnem gloriam domus patris ejus.* Consonant istis verba Jesu: *Quodcumque petieritis Patrem in nomine meo, hoc faciam, ut glorificetur Pater in Filio: potissimum vero hæc: Nunc clarificatus est Filius hominis, & Deus clarificatus est in eo. Si Deus clarificatus est in eo, & Deus clarificabit eum in semetipso.*

XXI. Cernere licet & in Jeremia expressam Christi Jesu imaginem. Nam primum sanctitate præditus est uterque, priusquam ab utero matris in lucem exiret. Virginitatem uterque coluit. Uterque etiamnum puer populi docendi munus exequi aggressus est. Uterque ab idolorum cultu multos ad veram pietatem traxit. Utrique pietas sua & beneficentia fraudi & ignominie fuit, cum à suis, quos à secleribus retrahere & imminenti calamitati subducere volebant, pessimis modis accepti sunt. Uterque summa patientia & lenitate insidias sibi penas tulit. Uterque percussoribus suis & vexatoribus à Deo veniam precatus est. At utriusque demum vicem Deus, excisa gente, severissime ultus est.

XXII. Magnum etiam in Zorobabele Jesu Christi instar fuit. Davide prognatus uterque fuit. Ille Babylonica captivitate liberatis Judæis, & Hierosolyman redeuntibus, ducem se præbuit: hic homines, mundi hujus, quem propter confusionem merito Babylonem dicas, vinculis exemptos deducit in patriam, cœlestem nempe Jerusalem. Templum Hierosolymitanum instaurat Zorobabel: Ecclesiam Dei ex vivis lapidibus Jesus extruit. Oriens appellatur Zorobabel apud Zachariam, item Lapis cui inesse dicuntur oculi septem, cujus temporibus futurum promittitur ut terræ crimina auferantur, ut gloria floreat ipse, ut sedeat in folio suo, teneat imperium, & alta pace componat: quæ Christo ut convenient, sciri potest ex Parallelismo nostro, in quo Orientis & lapidis symbolis agnoscitur, pacis auctor esse ostenditur, eique gloria ingens ac imperium æternum spondetur.

XXIII. Denique Jesum Josedeciden, & Christum Jesum componit inter se Eusebius ad calcem libri quarti Demonstrationis Evangelicæ. Ea nos adjectis nonnullis decerpemus. Nomen primo utrique idem, Pontifex uterque, quod de Christo declaratur in Epistola ad Ebræos, & à nobis in Parallelismo. Adversatur utrique Sarnas. Ille Babylone redeuntium in patriam Judæorum cum Zorobabele dux fuit: hujus ductu mundi hujus captivitate liberati homines cœlum petunt. Ille vestibus indutus est fordidis: hic peccata nostra ipse tulit, humanum & infirmum corpus subiiit, ac supplicii demum ignominia fœdatum. Ille noxis purgatus novas vestes ac mundas induit, eique cidaris imposita est: Christus mundo, morte, peccato, ac Diabolo edomitis, veste immortalitatis assumpta, & diademate suscepto triumphat, & cœlo invehitur. Jesu Josedecide ait Deus: *Judicabis domum meam, & custodies atria mea: Christum Deus orbis universi judicem constituit, ut in Parallelismo docuimus, totiusque Ecclesiæ custodem præposuit. In Templo reparando socium Zorobabeli se præbuit Josedeci filius: Ecclesiam, Dei vivi Templum, Christus ædificavit. Præclarum sane est, & proposito nostro conveniens illud Hieronymi: Unus atque idem est Dominus noster atque Salvator, Rex & magnus Sacerdos, cujus typum, secundum id quod Rex erat, portabat Zorobabel: secundum id autem quod Pontifex erat, portabat cognominis ejus Jesus.*

